

未入道休要執中迷先且牢擒劣馬子切須縛住耍猿兒款款  
做修持 如省悟 勘破女男妻自在假身常煅煉逍遙真性得  
推移應是上瑤池

詞謹勸見在好持修浮名浮利何日了勞神勞氣幾時休塵世  
莫淹留 須早悟 三教理玄幽擺脫恩山袪愛海得歸蓬島赴  
瀛洲只在此心頭

詞意悟就上好修修意馬心猿都捉住攀緣愛念一齊休善事  
莫遲留 三教好妙理最深幽擺脫浮生并世事這回前路赴  
蓬洲此箇是歸頭

又題杏花

道藏輯要

重陽全真集

完

下胃集一  
川州文

春景好艷杏吐紅顯笑日仙姿真美麗倚風嫩臉最奇瑰不羨  
臘前梅 人豈識唯許對予開折得一枝應在手馨香滿袖任  
還迴攜汝到蓬萊

武陵春

叮囑闍公歸故里傳語醴泉人可可貪求莫恨喧贏取好精神  
只此堪能爲大道何必苦尋真稍稍諸公悟此身便是出囂  
塵

又詠別道友

王喆已東遷經過甘河上眾賢性內飢寒由未免盤纏乞食諸  
公自肯錢 得得遞相傳慧我同爲出九蓮多少各人心意會

恰恰此去如來本氣傳

我已入南京甘鎮人人箇箇聽敬重三光須要認休輕五穀中間得致精此去決前程寫盡平生自己聲若是卻來重一過靈靈總看真形一氣清

富貴與身貧肯把榮華只取仁前定緣由今世用心純自是陰功福自臻休更苦中辛惡業休貪作善因奉勸愚迷須省悟休嘆萬事由天不在人

蘇幕遮

少煩人稀赴會我自無恩莫把他人恠廉儉溫良身自在莫強追陪免得常耽債有錢時人見愛及至無錢親也全疎待且

道藏輯要

重陽全真集

辛

下胃集一

見世情如此態察盡人心暗想除非外

性爲真身是假認取圓成可頻沾惹自是康強惺復灑靜裏搜閑急急投嬰姪說良因談道話開廓靈明拯出根源也一顆神珠無有價袞上瑤臺永永長遊冶

會傳盃經每醉能喫殘餘得飽長長睡眠裏清閑祥又瑞時復觀瞻白黑黃紅翠出虛空無墜墜瓊蕊玲瓏顯現真嘉致鼻扇靈神來望視移入金盤天上誇奇異

女休猜兒莫識情慾偷精盜髓隳筋力奉勸迴頭尋歇息認取身中三箇真端直姪娘親嬰子得專委黃婆鞠養成淵默暢飲刀圭通十極四句同歸隨步雲霞陟